



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ivdx Magistratevs Senator

Zype, Franciscus van der

Antverpiæ, 1633

Cap. XXIV. Per gradus promotus.

urn:nbn:de:hbz:466:1-14280

secura. Quàm gloriosa vltima vox Vespasiani, decere Imperatorem stantem mori?

CAPVT XXIV.

Per gradus promotus.

Per gradus ad ordines & honores eundum est, non per saltum. Rectè Gregorius, cap. 2. d. 78. Ordinatur ergo ad ordines accedendum est. nam casum appetit qui ad summi loci fastigia postpositis gradibus per prærupta querit ascensum. Scimus autem quod ædificati parietes non prius lignorum pondus accipiant, nisi à nouitatis sua humore siccentur, ne frantè pondera, quàm solidentur, accipiant, cunctam simul fabricam ad terram deponant. Nam optimè Cyprian. cap. 1. d. 78. Momentaneus Sacerdos nescit habere humilitatem, obseruare modos personarum, vel se contemnere: non ieiunauit, non fleuit, non se correxit, non pauperibus erogauit. In arrogantiam (quæ est ruina diaboli) incidunt, qui puncto hora necdum discipuli fiunt magistri. & sicut Innocentius ait, miserum est eum fieri magistrum, qui necdum didicit esse discipulus c. cum in magist. x. de elect. & Iustin. Nouell. 137. Quis instar figuli uno ipso die fictilia sua tornantis, ut à repentè fingat veri cultus antistitem, cum angelis stantem, & cum Archangelis laudes canentem, & Christo sacrificantem? & per hæc quidè indicat qualèsnã oporteat ad sacerdotium promoueri. De his autem qui ordinantur indigni, idem hæc dicit in eadem oratione: Qui cum nihil, inquit, ad sacrum Dei altare & sacerdotium attulerint, nec in virtute & pulchro prius insudarint, & elaborarint, simul discipuli & præceptores pietatis ostenduntur, & priusquàm purgati sunt, purgant, heri sacrilegi, hodie sacerdotes: heri extra sacra, hodie præsules mysteriorum: veteratores malitiæ, nouitij pietate, qui sunt opus, atque fabrica humanæ gratiæ, non Spiritus sancti. Ideoque electionem alicuius in Abbatem mox à professione factam, Innoc. III. irritam pronuntiauit cap. officij. 38. x. de elect. Promouendos in iure discimus, qui minoris cognitionis officia gesserunt, ac prius minoribus, deinde maioribus cingulis bene vsi sunt. Legimus apud Liu. lib. 32. Tribunos plebis se interposuisse, ne T. Quintius Flaminius ex Quæstura ad Consulatum pertingeret. Iam, inquebant, adilitatem præturamque fastidiri, nec per honorum gradus documentum sui dantes, nobiles homines tendere ad consulatum, sed transcendendo media, summa imis continuare. In militaribus etiam officiis per gradus ad honores iri solet. vnde Martè Graduum

1.
incom-
moda sit-
tuum illo-
rumq;
causa gra-
duumq;
commoda.

Festus

Festus dictum cupit. Rufus, diu manipularis, dein centurio, mox castris praefectus. Tac. l. 2.

Principatum, inquit l. 1. l. de offic. mag. offi. adipiscatur matriculâ decurrende, ita ut ad curas agendas & cursum illi exeant quos ordo militie vocat. l. 2. quos labor prolixior fecerit antequam. & l. 12. de primicer. Illud præcipue promissionem nouam flagitare perlegimus, ne per ambitionem, vel gratiam, aut cuiuslibet occasionis obtentu, vel laborum seu sollicitudinum specie, publicorum aliquando liceat cupiam graduum seriem conturbare, & temporum ratione calcata dudum militantibus anteferri, & quæ longis prolixisque stipendiis defensa iam pollicetur senectus, gratiosâ festinatione surripere. Ita nemo ad patriciatum promouebatur, nisi cõsulatu, præfecti prætoris, magistri militum, aut magistri officiorum administratione functus. Actum, inquam, functus: nam honorariis tantum codicillis decorati centum libras auri in publica opera pendebant. l. nemini. C. de consulis l. 12. In Dacia non nisi qui aurarias procurassent, ad dignitates admittebantur, l. 4. C. de metallar. Sed & rem bene gefisse in minori officio ostendere oportet eum, qui altiore magistratum aditurus est, ut Zeno decreuit in l. 1. C. ut om. iud. adeoque magistratum gestorum liberationes ostendere. Latè Borel. de magist. lib. 1. cap. 16.

CAPVT XXV.

Secretus.

1.
Iudex se-
cretus sit,
illiusq;
miseri.

ARtissimum secretorum custodem esse Iudicem oportet. Monet Sapiens Eccl. 28. Attende ne forte labaris in lingua, & cadas in conspectu inimicorum insidiantium tibi, & sit casus tuus insanabilis in mortem. & iterum Prou. 20. Ei qui reuelat mysteria, & ambulat fraudulenter, & dilatat labia sua, ne commiscearis; sed causam tuam cum amico tracta, & secretum extraneo ne reueles. Prou. 25. Iubet Auth. de Iudic. & ut nullat. cap. 7. ut neque ab eis aliquid peccetur, neque prodatur. Quare & Iudex cauere debet, ne eorum opera utatur, quorum linguæ fidelitatem probe notam non habeat. nam, ut ad Q. fratrem Cic. quos aut ex domesticis conuictoribus, aut ex necessariis apparitoribus tecum esse uolueris; horum non modo facta, sed etiam dicta omnia præstanda sunt. Non ille Rex filio in regnum quamuis successuro, sciscitanti quâ horâ postridie exercitus proficisceretur, responsum dedit: sed interrogauit, an vereretur ne solus ille sonitum tubæ non exaudiret?